



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Avla ... Thesavorvm Dei In Passione D. N. Iesv Christi  
Effusorum ad Resvrrectionem Mvltorum**

**Eyschen, Georg von**

**Coloniæ, 1656**

§. 213. Vt tolleret crucem eius. v. 21.

**urn:nbn:de:hbz:466:1-45533**

affluentiam, de malo bonum, de peccatorum tenebris miserationis fecisti splendore lucem, atque de ip'a Crucis angaria spirituale contulisti Sacramentum. Quid igitur hoc Sacramento significasti? Sanctam nece- sitatem meliorem esse malitiosa libertate. Tu namque nos cogis ut volun- tarios facias & necessitatem in virtutem commutas. Noli igitur Domine intueri meam magnam imperfectionem, sed tuam immensam bonitatem ac sapientiam: nec agas tecum pro desiderio meo carnali, verum pro tua sanctissima voluntate & animæ meæ salute. Tu namque melius nosti quam ego ipsem, quid mihi expedit. Si igitur pertæsus dolorum non liben- ter patiar secundum sensualitatem, non hoc cures: sed semper diuina fiat voluntas ad gloriam nominis tui summam, & animæ meæ salutem, siue gratum siue ingratum carni meæ fuerit. Sed & amantissime Domine ac Pater, da mihi cum tempore illam sapientiam & fortitudinem, ut meipsum vincens, in omni tribulatione tuam sanctissimam voluntatem cognoscam, donec extra me ipsum merecipiens ad tuam sanctam unionem perueniam quo in omnibus tam aduersis quam prosperis, tam in dulcibus, quam a- maritis, tam in tribulatione, quam in pugna, tecum unum efficiar, & post hanc vitam locum habeam ubi tu es omnia in omnibus & absterges om- nem lacrimam ab oculis nostris, quo omnium malorum præteriorum ob- liti, tecum tranquillitatem & pacem habeamus in perpetuum. Amen.

## §. 213. Ut tolleret crucem eius. v. 21.

Cum viderent Iudei & Carnifices Christum sub mole crucis non posse subsistere, sed supprimi, vulneribus lacerum, à planta pedis usque ad verticem capitis, & ingentem crucis trabem grandem in eo facere exani- mationem, & vulnera cum vulneribus confundere, aliquid non tam solatij, sed incrementi ad prolixiores dolores tolerandos obtulerunt, nempe ba- iulum crucis, quem sic intelligere possumus tulisse crucem Iesu, ut solus portaret, præcedente, vel protracto Domino ante eum, vel ut partem po- steriorem portaret, priorem vero Dominus, utique consideratio habet suos defensores & patronos. Ego eam præfero sententiam que cogitat Dominum sub parte crucis mansisse, ne probrum afferam Domino, cru- cis suæ in aliud remissem. Et quamuis eo pacto, parum solatij Domino vi- detur allatum mysterijs tamen multum afferatur nobis, ut sciamus nos non nostra virtute sed Christi portare adiutorio & quidem uti præcipuo. Quid- quid vero illud fuerit solatij secundum corpus, multo illud plus lancingauit Domini piissimam mentem, cum vidit aliquem sua causa grauari. Solet hoc ingenuos animos valde excruciare.

T 3

Veni-

**V**enite iam fideles & in Simone Cyrenæo, obedientes: non casu sed de industria certaque Dei prouidentia disponente parati, occurrit ad ferendam Crucem quæ se nobis quocunque modo vel loco tandem obtulerit. Sicut enim in Christo summæ fuit obedientiæ Crucem tollere: ita & in Christiano. De villa venite, mundum contemnите, & apti eritis Crucis ferendæ. Omnes enim qui volunt pie viuere in Christo Iesu, persecutionem patientur. Accedens ergo, ô fili, ad seruitutem Dei prepara animam tuam ad tentationem.

Venite etiam peccatores, venite otiosi, venite molles, delicati, & queruli, venite vos quoque pusillanimi varijs tentamentis distenti, & vacantes à Ierijis, quid statis tota die otiosi? tolle auare, ambitione, & iniuste, sed pœnitens, tolle inquam clauem David in humeros tuos, Crucis mylrijs insignitam qua tibi thesauri cœlestis facultas & in cœlum aditus datur. Tolle tuam, quisquis es, ut Christi Crucem, in qua temetiplum ut ouem perditam ad ouile reportauit & salua animam tuam. Angariensis licet v. Simon, excita te, aspice in consummatorem Iesum Christum.

§. 214. Et perducunt illum in Galgotha locum, quod est interpretatum,  
Caluaria locus. v. 22.

Postquam Sacer Scriptor descripsérat, quomodo Novum Regem ad prælium eduxerint Milites, ipsum etiam locum in quo supremo condicione cum hoste erat congregatus describit. Non fuit ille, vt solent alii Reges castra metare, aliquis campus spatiösus ad flumini vel aquas, sed mons vel collis unde prospectus esset circumcirca in valles. In quo tamen nulla alia castra locanda erant sed mortuorum ossa, in quibus vigebat imperium mortis, assumenta erant, ut in ipsiusmet cum morte, & Diabolo mortis auctore initetur prælium. Quia in consideratione valde admirari incipio Dei sapientiam, qui talem elegit locum certaminis, & permisit, ut quod milites & hostes Christi, ipsi parabant ad opprobrium, hoc ipsum ei cederet in encomium & victoriæ incrementum!

**S**alue Dei sapientia, quæ attingis à fine ad finem fortiter & disponit omnina suaviter. Salve, salve, imo salua. Te eligente Caluariæ locum, videmus nullū sapientius locum potuisse eligi ad vincendam mortem. Nemo hoc Philosophorum ingenio suo attigisset, nemo sapientium huius mundi. Vere tu es Deus noster, qui non solum eligis, sed & facis talia mirabilia.

§. 215. Et dabant ei bibere myrratum vinum. v. 23.

Quid est hoc? quod statim mentione facta loci in quo erat ineundus conflictus, confessim sit mentio haustus? An quia milites, ut animos sibi addant